

Bwrdd Academaidd y Coleg Cymraeg Cenedlaethol
Dydd Mercher, 14 Hydref 2020
Microsoft Teams

Yn bresennol:

Aelodau (Coleg): Dr Hefin Jones (Cadeirydd a Deon), Dr Dylan Foster Evans, Yr Athro Mererid Hopwood, Awen Iorwerth, Yr Athro Elin Haf Gruffydd Jones, Delyth Murphy, Dr Euryrn Roberts, Llŷr Roberts

Aelodau (Sefydliad): Judith Davies, Dr Gwenno Ffrancon, Dr James Gravelle, Penri James, Elen Mai Nefydd, Dr Paula Roberts, Dr Catrin Haf Williams, Dr Huw Williams

Aelodau (Myfyrwyr): Owain Beynon, Iwan Evans, Llŷr Griffiths, Ela Jones, Moc Lewis, Emyr Owen, Katie Phillips

Aelodau (Addysg Bellach): Lynwen Harrington

Yn bresennol: Meri Huws, Gareth Pierce (Cadeirydd y Coleg)

Swyddogion: Dr Ioan Matthews (Prif Weithredwr); Dr Dylan Phillips (Uwch Reolwr Academaidd ac Ysgrifennydd); Dr Dafydd Trystan (Cofrestrydd); Delyth Ifan, Rhian Jones a Gwenllian Owen (Rheolwyr Academaidd); Nia Brown (Swyddog Llywodraethiant)

Ymddiheuriadau: Yr Athro Jerry Hunter, Yr Athro Eleri Pryse, Carys Swain, Daniel Tiplady, Dr Prysor Williams, Lois Jones

Eitem	Prif bwyntiau trafod	Pwyntiau Gweithredu	Cyfnod amser
1. Croeso a Sylwadau Agoriadol	<p>1.1. Croesawyd yr aelodau'n ffurfiol i'r cyfarfod gan y Deon.</p> <p>1.2. Estynnwyd croeso arbennig i Dr Huw Williams i'w gyfarfod cyntaf fel Cadeirydd Cangen Prifysgol Caerdydd; ac i Dr James Gravelle, Prifysgol De Cymru.</p> <p>1.3. Cafwyd adroddiad llafar ar gynrychiolaeth myfyrwyr ar y Bwrdd Academaidd ar gyfer y flwyddyn academaidd 2020/21. Nodwyd y penodwyd y canlynol: Moc Lewis, Prifysgol Aberystwyth</p>		

Eitem	Prif bwyntiau trafod	Pwyntiau Gweithredu	Cyfnod amser
	<p>Iwan Evans, Prifysgol Bangor Owain Beynon, Prifysgol Caerdydd Katie Phillips, Prifysgol Abertawe Ela Jones, Prifysgol Metopolitan Caerdydd Lois Jones, Prifysgol De Cymru Llŷr Griffiths, Prifysgol Cymru: y Drindod Dewi Sant Emyr Owen, Prifysgol Glyndŵr</p> <p>1.4. Diolchwyd i Mared Jones, Swyddog Pwnc y Dyniaethau a'r Celfyddydau, am drefnu cyfarfod anwytho'r myfyrwyr ar 8 Medi 2020.</p> <p>1.5. Nodwyd llongyfarchiadau i'r Athro Elin Haf Gruffydd Jones ar ei hurddo i'r orsedd.</p> <p>1.6. Nodwyd llongyfarchiadau i Mererid Hopwood ar ei phenodi'n Athro'r Gymraeg ac Astudiaethau Celtaidd ym Mhrifysgol Aberystwyth.</p> <p>1.7. Nodwyd bod Delyth Murphy ar fin ymddeol. Diolchwyd iddi am ei chyfraniadau ers sefydlu'r Bwrdd Academaidd, fel Is-Gadeirydd, ac yn arbennig fel lladmerydd ym maes ehangu mynediad.</p> <p>1.8. Nodwyd bod yr Athro Siwan Davies wedi ymddiswyddo o'r Bwrdd Academaidd a diolchwyd iddi am ei gwasanaeth a'i chyfraniad.</p> <p>1.9. Bydd y Coleg yn penodi cynrychiolwyr yn eu lle maes o law.</p> <p>1.10. Estynnwyd cydymdeimlad y Bwrdd i Elen Mai Nefydd yn dilyn ei phrofedigaeth diweddar.</p>		
<p>2. Ymddiheuriadau a datganiadau o ddiddordeb</p>	<p>2.1. Nodwyd ymddiheuriadau fel uchod.</p> <p>2.2. Nid oedd unrhyw ddatganiadau o ddiddordeb i'w nodi.</p>		
<p>3. Cofnodion y cyfarfod a gynhaliwyd ar 20 Mai 2020</p>	<p>3.1. Derbyniwyd y cofnodion o'r cyfarfod blaenorol fel cofnod cywir.</p>		

Eitem	Prif bwyntiau trafod	Pwyntiau Gweithredu	Cyfnod amser
4. Materion yn codi	<p>4.1. <u>Eitem 4.6: Trefniadau TSI</u> Adroddwyd bod trefniadau ar waith ynghylch y Dystysgrif Sgiliau Iaith a bod cofrestriadau yn cael eu derbyn.</p> <p>4.2. <u>Eitem 8.7: Dathlu Myfyrwyr Iechyd Caerdydd a Chynhadledd y Gymdeithas Feddygol.</u> Adroddwyd bod y gynhadledd a drefnwyd ar gyfer 10-11 Hydref 2020 wedi ei gohirio o ganlyniad i'r argyfwng.</p>		
5. Cylch gorchwyl (Eitem 5)	<p>5.1. Cyflwynwyd cylch gorchwyl y Bwrdd Academaidd wedi'i hadolygu gan yr Ysgrifennydd.</p> <p>5.2. Nodwyd nad oedd rôl gan y Pwyllgor Penodiadau a Safonau Llywodraethiant wrth benodi aelodau i'r Bwrdd Academaidd.</p> <p>5.3. Yn dilyn trafodaeth argymhellwyd croesgyfeirio at Gynllun Strategol y Coleg yn yr amcanion.</p> <p>5.4. Cytunwyd ar y diwygiadau i'w cyflwyno i'r Bwrdd Cyfarwyddwyr ar gyfer cymeradwyaeth ar 25 Tachwedd 2020.</p>	Cylch gorchwyl i'r BC	25 Tachwedd 2020
6. Diweddariad gan y Prif Weithredwr	<p>6.1. Cafwyd diweddariad ar waith y Coleg gan y Prif Weithredwr.</p> <p>6.2. Adroddwyd bod y Coleg yn ymateb i'r heriau yn y sector wrth gefnogi gwaith y prifysgolion a myfyrwyr.</p> <p>6.3. Adroddwyd y bu cyfarfod gyda'r Gweinidog Addysg i drafod yr heriau sy'n wynebu prifysgolion; y sector Addysg Bellach a phrentisiaethau; ac Addysg Gychwynnol Athrawon yng nghyd-destun y Strategaeth Iaith yn ystod y pum mlynedd nesaf.</p> <p>6.4. Adroddwyd bod y Coleg yn cydlynu cais i Gronfa Adfer a Buddsoddi'r Cyngor Cyllido (HEFCW) i gefnogi dysgu cyfunol a diogelu darpariaeth cyfrwng Cymraeg, gyda phwyslais ar gydweithio rhwng sefydliadau.</p> <p>6.5. Adroddwyd y bydd y cylch o gyfarfodydd unigol gyda'r</p>		

Eitem	Prif bwyntiau trafod	Pwyntiau Gweithredu	Cyfnod amser
	<p>prifysgolion yn dechrau yn ystod y tymor hwn.</p> <p>6.6. Adroddwyd bod cyfarfodydd gyda phleidiau gwleidyddol yn cael eu cynnal er mwyn codi ymwybyddiaeth o ddyheadau'r a blaenoriaethau'r Coleg ar gyfer tymor y Senedd nesaf cyn etholiadau 2021.</p> <p>6.7. Adroddwyd ar ymddeoliad Catherine Rees a'r trefniadau ail-stwythuro mewnol. Adroddwyd bod Dr Dylan Phillips wedi ei benodi'n Ysgrifennydd a bod Nia Brown wedi ehangu ei chyfrifoldebau llywodraethiant.</p>		
<p>7. Ysgoloriaethau</p> <p>Ar y pwynt hwn cyrhaeddodd yr Athro Elin Haf Gruffydd Jones</p>	<p>7.1. Rhoddwyd cyflwyniad ar y cynllun Ysgoloriaethau Cymhelliant estynedig gan y Cofrestrydd. Nodwyd bod y data wedi ei baratoi ar y cyd gyda Gwenllian Owen.</p> <p>7.2. Adroddwyd bod y Coleg wedi derbyn 476 cais ar gyfer Ysgoloriaeth Cymhelliant, a ymestynwyd i gynnwys pob myfyriwr sy'n dechrau yn y brifysgol yn mis Medi 2020 sy'n dewis astudio o leiaf 40 credyd drwy gyfrwng y Gymraeg, a bod nifer y ceisiadau yn sylweddol uwch nag erioed o'r blaen.</p> <p>7.3. Nodwyd y data ar gyfer pob prifysgol a fesul pwnc.</p> <p>7.4. Yn ystod y drafodaeth adroddwyd y byddai'n rhaid aros am y ffigyrau terfynol cyn dod i gasgliadau pendant ynghylch heriau o fewn pynciau penodol.</p> <p>7.5. Adroddwyd bod y Coleg yn monitro darpariaethau bychain yn y prifysgolion ac yn trafod eu diogelu yn y cyfarfodydd cynllunio.</p> <p>7.6. Adroddwyd bod digwyddiadau a chynadleddau cydweithredol y Coleg yn cynnig nifer o gyfleoedd i fyfyrwyr o sefydliadau ledled Cymru ddod ynghyd yn ystod y flwyddyn academaidd hon.</p>		
<p>8. Adolygu cynlluniau pynciol</p>	<p>8.1. Cyflwynwyd adroddiad ar adolygu cynlluniau pynciol gan yr Ysgrifennydd. Nodwyd bod yr adroddiad wedi ei baratoi</p>		

Eitem	Prif bwyntiau trafod	Pwyntiau Gweithredu	Cyfnod amser
<p>(Eitem 8)</p> <p>Ar y pwynt hwn ymadawodd Judith Davies, Rhian Jones ac Elen Mai Nefydd</p>	<p>gan Gwenllian Owen.</p> <p>8.2. Adroddwyd y gohiriwyd cyflwyno'r adroddiad i'r cyfarfod diwethaf oherwydd Covid-19. Eglurwyd bod yr adroddiad yn parhau'n anghyflawn gan nad oedd modd derbyn gwybodaeth gan bob adran na phrifysgol yn ystod y sefyllfa bresennol.</p> <p>8.3. Adroddwyd bod y Coleg yn aros am ganlyniad y cais i gronfa adfer y Cyngor Cyllido a fyddai'n cynorthwyo gyda chydweithio traws-sefydliadol.</p> <p>8.4. Trafodwyd paratoi crynhoad a fyddai'n addas i'w rannu gyda'r canghennau gan nad oedd yr adroddiad yn gyflawn eto.</p> <p>8.5. Yn ystod y drafodaeth eglurwyd bod y Coleg yn ceisio dylanwadu ar dargedau darpariaeth trwy'r cynlluniau ysgoloriaethau a grantiau pynciol.</p> <p>8.6. Adroddir ar y goblygiadau tymor hir yn y cyfarfod nesaf.</p>	<p>Coleg i drafod crynhoad i'w rannu gyda'r canghennau</p> <p>Adroddiad tymor hir</p>	<p>Tymor yr hydref 2020</p> <p>3 Chwefror 2021</p>
<p>9. Y sefyllfa bresennol</p> <p>(Eitem 9a)</p>	<p>9.1. Cyflwynwyd papur y myfyrwyr ar yr heriau yn sgil Covid-19 gan Iwan Evans.</p> <p>9.2. Adroddwyd bod adborth cadarnhaol wedi eu dderbyn gan y myfyrwyr ynghylch:</p> <ul style="list-style-type: none"> • Dysgu cyfunol • Adnoddau llyfrgell • Wythnos y Glas rhithiol <p>9.3. Adroddwyd mai'r prif heriau oedd:</p> <ul style="list-style-type: none"> • Unigrwydd o fewn neuaddau preswyl a'r angen i ddarparu gwasanaethau iechyd meddwl ar-lein • Diffyg sgiliau neu adnoddau technoleg • Cyfathrebu trefniadau ymarferol <p>9.4. Yn dilyn trafodaeth ar gymuned a lles argymhellwyd bod y canghennau yn cadw golwg ar sefyllfa gosod myfyrwyr mewn llety o fewn cymuned Cymraeg.</p> <p>9.5. Cafwyd diweddariad llafar gan y canghennau gan</p>		

Eitem	Prif bwyntiau trafod	Pwyntiau Gweithredu	Cyfnod amser
Ar y pwynt hwn ymunodd Dr Huw Williams	<p>gynnwys:</p> <ul style="list-style-type: none"> • Digwyddiadau pontio a darpariaeth addysgu ar-lein • Datblygiadau ail-strwythuro ym Mhrifysgol Abertawe • Toriadau arfaethiedig ym Mhrifysgol Bangor • Gwefan Iechyd Meddwl • Unigrwydd staff yn ogystal â myfyrwyr • Anhawster corlannu myfyrwyr newydd i ddilyn cyrsiau cyfrwng Cymraeg <p>9.6 Yn ystod y drafodaeth nodwyd y cynhaliwyd sesiwn 'rhannu arfer dda' llwyddiannus iawn ym mis Mehefin gan y Coleg. Adroddwyd bod sesiynau tebyg wedi'u trefnu eto ar gyfer mis Ionawr a mis Mehefin 2021. Rhannwyd rhestr o'r sesiynau ar gyfer datblygiad staff yn ystod y cyfarfod.</p> <p>9.7 Trafodwyd bwysigrwydd dilyniant ieithyddol.</p> <p>9.8 Adroddwyd bod dulliau amgen ar waith gan y Coleg i gadw cyswllt gyda'r ysgolion.</p> <p>9.9 Yn ystod y drafodaeth nodwyd bwysigrwydd codi hyder ieithyddol proffesiynol.</p> <p>9.10 Ar ddiwedd y drafodaeth nododd y Prif Weithredwr y byddai modd parhau i ddefnyddio adnoddau'n gydweithredol.</p>		
10. Pwyllgor Ymchwil a Chyhoeddi	<p>10.1. Rhoddwyd diweddariad llafar ar faterion yn ymwneud â'r Pwyllgor Ymchwil a Chyhoeddi gan yr Ysgrifennydd.</p> <p>10.2. Nodwyd nad oedd y pwyllgor wedi cyfarfod yn ystod tymor yr haf. Bydd y cyfarfod nesaf ar 17 Tachwedd 2020.</p> <p>10.3. Adroddwyd ar Gynhadledd Ymchwil Rithiol, 1 Gorffennaf 2020. Gyda dros 100 yn bresennol yn rhithiol argymhellwyd edrych ar ffurf digwyddiadau yn y dyfodol er mwyn bod yn fwy cynhwysol.</p> <p>10.4. Adroddwyd y cyhoeddir rhifyn 31 <i>Gwerddon</i> ddiwedd y</p>		

Eitem	Prif bwyntiau trafod	Pwyntiau Gweithredu	Cyfnod amser
	mis a bod tair o'r pum erthygl wedi'u cyflwyno i'r Fframwaith Rhagoriaeth Ymchwil (REF).		
11. Ehangu mynediad a chyfranogiad (Eitem 11) Ar y pwynt hwn ymadawodd Lynwen Harrington	11.1. Cyflwynwyd adroddiad ar faterion yn ymwneud ag ehangu mynediad a chyfranogiad gan Delyth Murphy. Nodwyd bod yr adroddiad wedi ei baratoi gan Adam Jones 11.2. Anogwyd y Coleg i barhau i roi sylw dyledus i'r maes. 11.3. Nodwyd y bu Delyth Murphy yn ladmerydd brwd a chyson yn y maes a dymunwyd yn dda iddi ar ei hymddeoliad.		
12. Darlithwyr cysylltiol	12.1. Adroddwyd y cyhoeddwyd enillwyr Gwobrau'r Darlithwyr Cysylltiol ar gyfer 2019/20 ar 16 Gorffennaf 2020 fel a ganlyn: i. Gwobr hwyluso addysg cyfrwng Cymraeg: Yr Athro Rhys Jones, Prifysgol Aberystwyth ii. Gwobr adnodd cyfrwng Cymraeg: <i>Gwerddon Fach</i> a'r Gwerslyfr Daearyddiaeth iii. Gwobr arloesi ar draws ffiniau: Tîm JOMEC Cymraeg, Prifysgol Caerdydd		
13. Dyddiadau'r cyfarfodydd nesaf	13.1. Nodwyd y dyddiadau canlynol: <ul style="list-style-type: none"> • 3 Chwefror 2021 • 12 Mai 2021 		